

欽定平定教匪紀略

欽定平定教匪紀畧卷二十

十一月十九日午托津奏言查開州邊界賊匪

經官兵剿洗淨盡直境寧謐至馮克善一犯潛

往德州勾結夥黨節據那彥成方受疇先後獲

賊均審有此供似屬確鑿茲復接奉

諭旨以京南一路現無重兵自不可不嚴爲防範臣

再四思維德州密邇京都在開州東北相距將

及六百里若俟得有蠢動之信起程前往誠恐  
緩不濟急現在開州邊界肅清無須重兵防堵

臣一面遴員先往密訪並再札致同興上緊查

拏臣亦卽督同馬瑜富蘭閔俊烈帶領官兵三

千一百名按程前進仍於途次隨時偵探一俟

得有匪徒聚衆確信星夜趕往乘其不備一鼓

殲除此時開州尙有守城之宣化鎮及正定鎮

標官兵一千五百餘名查新授正定鎮總兵徐  
錕現在那彥成軍營臣業已札催該鎮速回開  
州統率彈壓指日滑城攻破卽有逸賊北竄亦  
可藉資堵截並札致那彥成於滑城攻破後卽  
將圍城之兵作爲追賊之用勿任逸匪向北奔  
逃如此則前赴德州之兵旣無虞遲緩而開州  
後路亦屬防堵周密

同日同興奏言查前奉

諭旨飭拏宋躍瀝一犯嗣又接准方受疇知會馮克

善現往德州糾約黨夥當經臣嚴飭查拏茲據

德州知州徐紹薪稟稱宋躍瀝一犯訪查境內

並無其人惟景州小洋村有宋大麻子名喚宋

延齡又有宋大麻子之叔宋八鬍子名喚宋雷

平日學習拳棒不安本分頗有徒弟武藝高強

近日景州故城附近百姓皆紛紛避此二人恐  
遭連累則此二人自非善類因境隔兩省該州  
不敢擅拏等因臣查該處既有宋雷宋延齡其  
人焉知不卽爲宋躍瀝之捏名則馮克善逃往  
糾約更屬有因隨飛飭該州會同營員徑往擒  
捕昨蒙

諭知景州西北鄉有連次失火搶劫之事核之該州

所稟村民躲避各情該處顯有匪徒潛匿更當  
及早圍捕毋使蠢動查

欽差協辦大學士托津現在開州臣駐劄曹州相去

德州景州均有六七百里若俟該處有警再行

馳往恐致遲緩而現在防堵緊要又未敢遽行

遠去查登州鎮總兵富通現在省城彈壓相去

德州甚近臣已飛咨該鎮先行帶兵二百名星

赴德州駐劄倘文職差役不能擒拏卽令會同  
城守尉博卿阿相機圍捕臣再親督將領兼程  
前往仍遵

旨咨會托津協同辦理若日內滑賊一平臣卽移駐  
東昌趨赴德州亦爲近便均奏入

上命軍機大臣傳諭托津曰本日據托津奏因聞馮  
克善有逃往德州之信恐俟其蠢動再往緩不濟



急現卽督同馬瑜富蘭閆俊烈帶領官兵三千一  
百餘名按程前進途次如探有匪徒聚衆之信卽  
趕往殲除等語所奏紕繆已極現在滑城圍攻喫  
緊之時最防潰匪北竄開州一帶關係緊要人所  
共知托津先當緊顧北面方爲正辦至馮克善潛  
赴德州恐其與宋躍濇糾約滋事尙係懸揣之詞  
近日有何憑據豈有捨實就虛徒勞跋涉之理朕

屢詢經過德州出差官員僉稱該一帶甚屬安靜  
昨日召見文寧竝據奏在德州一帶住宿地方安  
堵如常本日同興奏伊慮馮克善與宋躍瀝勾結  
派人訪查現在德州並無宋躍瀝其人惟景州小  
洋村有宋延齡宋雷二人平日學習拳棒頗不安  
分徒弟甚多景州故城附近民人恐遭此二人連  
累紛紛徒避此二人恐卽係宋躍瀝之捏名已派

文武官弁馳往訪拏並恐萬一拒捕密派登州鎮  
總兵富通帶兵二百名前往會同該處城守尉傅  
卿阿相機圍捕等語宋延齡宋雷二人尙未知是  
否係宋躍瀆卽果係宋躍瀆捏名現尙潛伏未動  
易於擒捕卽如林清係此案渠魁潛伏京畿附近  
地方不過遴派番役數人卽行擒獲何況宋躍瀆  
馮克善等現在同興已派員密往掩捕又有富通

等帶兵準備諒不致有他虞此時托津率爾統領  
提鎮帶兵三千餘名前往督辦設宋躍澂等聞信  
驚逃轉難弋獲甚或該匪等見大兵壓境無可奔  
逃情急率衆逞兇豈非激之使變開州距德州相  
去六百里沿途皆甚安靜地方並無賊匪今托津  
忽以欽差帶兵數千名向彼進發沿途居民不知  
何事豈不驚擾猜疑迨大兵行抵德州彼處毫無

蠢動無端安營駐劄本處及附近民人又寧不心生恐怖若謂逸犯未獲在彼督拏試思現在各處查拏要犯所在皆有不過降旨令各督撫等派員緝拏若各處皆須發兵前往有是理乎賊匪狡譎伎倆大抵於無兵之處結隊奔逃况滑城將次克復賊衆正當窮蹙之時設或探知北面大兵業已移往他處竟大隊向直隸邊界奔突該處祇有徐

銳帶領開州存城兵一千五百餘名豈敷堵禦彼  
時開州東明長垣等處在在可虞托津遠在德州  
卽或聞信轉回業已鞭長莫及托津豈計不及此  
看來托津之意計算行抵德州時滑城已破德州  
無事可辦彼時派令馬瑜等仍將原兵帶回開州  
伊自行奏請回京卽就近由德州啟程意係思家  
念切以致舉動冒昧糊塗著傳旨嚴行申飭托津

接奉此次諭旨之日如德州並無蠢動情事托津  
不論何時卽刻帶兵兼程轉回仍在開州邊境防  
堵不許片刻延緩若以行程已近德州仍托詞到  
彼察看情形則是有意違旨逗撓朕必立降諭旨  
將伊革職拏問凜之如托津接據稟報德州已有  
蠢動情形卽帶兵星馳前往剿辦亦著於富蘭門  
俊烈二人內酌派一人撥給兵五六百名速令帶

回開州幫同徐錕防堵設開州一帶堵禦不嚴致  
有大股賊匪突入直隸境內則惟托津是問托津  
回至開州俟滑城克復後直隸邊界竄匪捕淨仍  
遵前旨前赴那彥成軍營會籌善後事宜先令慶  
祥等帶領京兵凱撤俟諸事妥善自有旨諭知令  
托津回京供職也

上又命軍機大臣傳諭同興曰據同興奏訪查宋躍



澧一犯德州並無其人惟景州小洋村有素習拳棒之宋延齡宋雷二人向不安分恐卽係宋躍澧之捏名已飛飭知州徐紹薪同委員武隆阿密帶幹役徑往擒捕並派總兵富通帶兵二百名前赴德州與城守尉博卿阿相機圍捕該撫仍擬移駐以備剿辦等語宋延齡宋雷二人是否卽係宋躍澧尙未可定本日托津奏稱伊聞馮克善潛赴德

州糾約之信慮及德州距開州六百餘里俟得蠢  
動信息緩不濟急已同馬瑜等帶兵三千餘名按  
程前往相機辦理現在圍攻滑城指日克復開州  
一帶防堵逸賊北竄最關緊要德州並無蠢動情  
形托津遼帶大兵前往實屬冒昧已降旨將托津  
嚴行申飭同興派往緝拏宋延齡宋雷之委員此  
時已否將該二犯拏獲並曾否訪獲馮克善下落

同興一得稟報如犯已就獲並無拒捕情形該撫不必俟提犯訊供卽先行飛速奏聞一面由六百里知會托津令其帶兵兼程速回開州不可片刻遲延倘該二犯不服拘捕竟率衆滋事卽飛咨托津前來剿辦至曹州接壤滑縣卽日攻克滑城難保零匪不向東奔竄同興此時斷不可移駐東昌卽使德州有事有托津在彼足敷辦理同興仍帶

兵緊防曹州邊界以爲滑城聲援毋令賊匪再闌  
入東境

同日胡克家奏言臣欽奉

諭旨河南滑濬賊匪經那彥成進剿獲勝恐有零匪  
四竄安省潁亳一帶著胡克家嚴密防守等因查  
安省潁亳一帶撫鎮各標先已派調兵二千名  
又續調廣德等營烏鎗兵二百名臣與鎮臣喀

勒吉善及叅將明保分立三營均係貼近界口  
逐日輪派幹弁帶兵五十名在邊界梭織遊巡  
聲勢聯絡至睢工漫口之後常有採買糧料船  
隻經由渦河行走誠恐竄匪溷跡其間臣先於  
亳州北岸設卡查察復經方受疇嚴查睢口商  
船概行禁止南下防範亦甚嚴密其潁州亳州  
二營共有兵九百餘名仍照常防汛守城前委

知府林嵐所募鄉勇已據募得一千名均係土著殷實壯丁團練可用潁亳一帶雖向來獷悍成風近見官兵駐境強橫者畏威斂跡良善者得所護庇安堵如常極爲寧謐再安省調防兵丁離營均在三百里以外例應每兵日給米八合三勺并酌給柴薪第亭宿等處均係災區米糧食物無不倍加昂貴應請每名日給銀一錢

無庸另給柴薪所練鄉勇一千名視兵力稍加  
優厚每名日給銀一錢二分俾兵勇口食有資  
捍禦更爲得力

同日董教增奏言竊

臣

接准那彥成咨開挑派

陝甘督標兵五百名河州鎮標兵五百名前赴

衛輝並咨催前調靜寧靖遠二協官兵前往

臣

當於督標五營內挑選足數派叅將六十八管

帶先於十月二十三日起程其河州官兵據該

鎮富明阿稟報挑選足數亦於二十六日起程

又靜寧靖遠二協具報於本月二十四五等日

均經先後起程臣俱飛飭沿途預備供支妥爲

照料又准那彥成來信囑於督標五營挑選馬

一百匹解往應用臣亦卽挑選足額派員送往

又據固原州稟報那彥成飭調固原提標並靜



寧靖遠平涼涇州等協營馬共一千匹於二十  
二十一二十三日起程理合奏明均奏入  
報

聞

十一月二十日癸章煦奏言查吉林四起官兵  
一千名黑龍江五起官兵一千名均於本月十  
五日以前行過正定二十日以前全過順德吉

林官兵等咸稱察哈爾孳生新馬未經服鞍者  
居多上陣不能得力是以不願更換間有因原  
馬疲乏挑換乘騎者每起自百數十匹至數十  
匹不等其黑龍江官兵過京時換騎察哈爾馬  
五百九十匹到正定順德時亦有將疲乏之馬  
存留餒養更換前進者其換下之馬多係在京  
騎來察哈爾馬匹間有黑龍江本處原馬臣飭

將該官兵本處原馬妥爲餵養俟凱旋時給還  
其不堪餵養者令地方官變價給領其餘剩察  
哈爾馬匹若日久餵養徒滋糜費應請責成臬  
司慶格分派有驛州縣令其領回供用將馬價  
解交藩庫報部備撥一面分別造冊咨部奏入

上諭內閣曰章煦奏吉林黑龍江官兵換剩餘馬存  
留直隸餵養徒滋糜費著照所請准其將存剩察

哈爾馬匹交臬司慶格均勻分撥派有驛州縣承  
領供用將應繳馬價解交藩庫備撥至所存之馬  
曾經挑選皆可適用此時若餒養不善致有疲瘦  
各驛站不願領買卽將應賠馬價著落原領之府  
縣照數賠繳示懲

章煦又奏言臣覆查景州西北鄉連有夜間放  
火之事昨據委員程卓樑稟稱係村民堆積柴

金天二年孝目第... 卷二十一  
一四  
草被焚當傳到失火事主詢問僉稱並無賊匪  
焚掠惟聞馮克善有潛赴德州之信該州與景  
州毘連恐其勾結滋事臣復飭程卓樑再行確  
查並飭天津鎮道留心防範又奉

旨飭拏磁州趙得一犯前據廣平府等查覆趙得

一業已病故經臣復飭查實在下落一面咨查

刑部趙得一年貌住址嗣准刑部咨覆趙得一

係河南臨漳縣人又經行文飭查去後茲據臨漳縣稟稱已將趙得一家屬拘獲犯子趙全供稱伊父趙得一現在滑城從賊等語磁州前查已故之趙得一係姓名相同現已將其子趙維淇等飭令釋放奏入報

聞

十一月二十一日甲章煦奏言竊臣本月二十

日午刻接據磁州知州何道榜稟稱滑縣城外  
賊匪竄往封邱輝縣新鄉等處至十八盤山現  
在移營撥兵并添雇民夫於州境邊界地方巡  
察防守一面遣丁飛赴各處查探旋據安陽縣  
來信賊匪至十八盤山有竄往林縣之勢又聞  
陽武縣探報竄匪數千在顏洲地方經官兵剿  
殺該匪等旋又分爲兩股向正北正西逃竄又

延津縣王里集留光集亦有賊匪多人滋擾等情并據該縣抄送彰德府林縣探報賊情稟稿內開本月十二日早賊匪竄過輝縣林縣交界之十八盤將高莊焚掠有直趨林縣之勢賊衆約有萬數等情臣接閱之下實深焦急查滑縣尙未攻克而竄匪復由輝縣一帶入山擾及林縣該處界連山西潞澤旣恐遠竄蔓延而直隸



磁州等處亦屬鄰近并恐擾及誠恐賊匪奸計  
以一城牽掣大兵遂其四出焚掠之計亦未可  
定臣現在飛咨那彥成托津作速調兵分投追  
捕并飭地方文武悉力守禦勿任稍有疎懈

同日同興奏言前據方受疇咨會馮克善一犯  
逃往德州當經派員前往嚴緝昨十四日據陳  
廣寧解送獲匪宋懶新一名臣親提研訊據供

九月初七日馮克善進滑縣劫出李文成之後  
不多幾日馮克善就出西門去了至今未見迨  
十月二十七八日道口攻破十一月初一日起  
更時候南湖頭目劉幗明將李文成由北門接  
出坐車逃走住宿南湖初二日領着二千餘人  
要住太行山初八日該犯跟至陽武縣之延州  
集卽潛回家現在徐安幗朱成貴還在滑縣城

內其隨李文成走者係劉幗明呂均台王學義  
羅幗旺王金斗并不知名之宋當家等多人等  
語是前此逆犯魏得中所供李文成赴山東曹  
縣扈家集朱成貴家養傷之語殊不足信誠恐  
魏得中假捏此言以縱李文成西竄之計除將  
宋幗新監禁備質外謹繕具供單恭呈

御覽

同興又奏言查林清以畿輔小民謀爲不軌罪  
大惡極仰仗

天威立時誅滅此外逆賊首夥除三省官兵隨時剿  
除并東省已獲崔士俊李允魁李卓立王奇山  
曹光輝袁興邦蕭豹馬朝棟李名揚扈綬等數  
十人正法外尙有著名賊目延喘稽誅戾氣所  
鍾自應剷燬該匪等祖墳以絕禍根而奪逆魄

查東省各逆犯除已被殲擒并將全家孥獲者  
免其發掘外其頭目朱成貴程伯岳鄧允卓馬  
克光四逆尙未就擒臣當飭運司劉清等督率  
曹單定陶三縣訪明該四逆本支祖墳傳集鄉  
民指認確實盡行刨燬逐一剝骨揚灰訖各村  
莊受害居民靡不共覩稱快惟逆首徐安嗣係  
直隸長垣縣人住居春亭集之程家莊臣查畢

家寨與春亭集相近當卽飭派千總馬成符武  
舉仙魁帶領兵丁馳往訪之附近老民程西山  
等均稱該逆祖墳卽在莊西一里許隨帶領指  
認明確卽行發掘驗視該逆高祖父母骷髏骨  
俱發綠色其曾祖父母骷髏骨週身紫色該逆  
之祖徐六卿屍身有紫藤纏繞該逆之祖母霍  
氏身長白毛其逆父徐成俊母張氏逆妻李氏

新墳在莊東北亦卽指明發掘隨將各屍骨燒  
燬劉揚霍氏頭骨尙有腦漿流出當將骨灰散  
播大道俾車馬踐踏以消戾氣而快人心再據  
陳廣寧札稱十四日派委把總許揆中赴滑縣  
探詢賊情知首逆李文成祖墳亦於十三日經  
知縣孟岷瞻帶領鄉勇刨挖燒燬訖再朱成貴  
程伯岳鄧允卓馬克光等各逆雖未伏誅其家

屬並崔士俊妻女現俱拏禁司監例應解刑部  
請

旨賞給功臣之家爲奴但思那教家屬其平日必有  
傳習之事似未便解赴京城致滋煽惑應否發  
往回疆與種地兵丁爲奴或給額魯特爲奴之  
處出自

聖裁



同興又奏言查東省審辦逆案前經同知吳塔  
將崔士俊李允魁等五十餘犯拏獲解省時飭  
派濟南府凝圖帶領候補知縣趙毓駒潘尙楫  
陳文漢三員多方察審並於張建木口供內訊  
出林清住址及一切逆謀尙知奮勉臣旣仰蒙  
高厚宥罪

賞功該府縣等出力之處未敢壅於上

聞查疑圖前在廣西辦理狃苗案內得有藍翎其候  
補知縣三員內除潘尙楫陳文漢二員業經奏  
補魚臺定陶二縣實缺外其趙毓駒一員現在  
出有陵縣知縣一缺於挨補名次稍有未符可  
否量加鼓勵之處出自

聖恩

同興又奏言竊查定陶曹縣金鄉三縣以及附

近各隣境村莊俱各遭賊蹂躪目下良民漸次  
歸復資產蕩然所有善後事宜撫卹最要臣現  
在駐劄曹郡就近切實查辦遴派丞倅試用人  
員分投確查並派運司劉清道員熊方受總司  
稽查小民當此嚴冬饑寒交迫卽交正二月  
亦無從備赈餬口應否照賑濟米數按照大小  
口本折搭放以三個月爲度並將被焚房屋酌

給修費其續歸難民補行撫卹過路難民資送  
回籍之處恭候

諭旨欽遵辦理現在遵

旨查辦保甲所有應行撫卹戶口臣擬卽飭令按照

保甲冊籍挨次查造在小民急圖得食無不據

實速辦既可刻期竣事設有逃回逆匪亦不致

混入冒領似爲確實

同日衡齡奏言竊臣接據張績來信豫省封邱縣之胡村及獲嘉縣均有賊匪恐竄太行山已撥山外防兵五百名委叅將雙福前赴封邱一帶迎剿又撥兵三百名至輝縣一路堵截並撥兵赴柳樹口大澤底期城各隘口防堵計山旺莊祇留兵五百名不敷防剿應請添兵接應等情臣當卽飛咨太原鎮臣祥泰於就近營分抽

調兵三百名前赴山外接應茲於本月十六日  
又據潞安府等稟報輝縣十八盤山一帶有山  
東竄匪約數千人藍布裹頭勢往西竄距晉省  
壺關陵川兩縣邊界約百數十里現各添募壯  
丁協同防兵堵禦等情查潞澤各隘口雖經撥  
有防兵尙覺單薄臣一面飛飭該府縣多集壯  
兵一面札知祥泰就近勻撥官兵速赴壺關陵

川兩縣地方協同防堵并將解送軍營騾馬軍械回晉各官兵截留應用至山外地勢遼濶

臣

恐張績不能周顧茲卽自省起程親赴潞安澤州一帶督飭防堵並撥撫標兵二百名大同鎮兵五百名分起前往以備調遣均奏入

上命軍機大臣傳諭托津曰據章煦奏接據磁州稟報滑縣城外賊匪竄往輝縣等處已至十八盤山

有竄往林縣之勢並據抄送林縣探報十二日早  
賊匪竄過輝縣林縣交界之十八盤將高莊焚掠  
直趨林縣賊衆約有萬數等語滑城以外賊匪並  
未剿淨托津等原應緊顧北面乃托津因開州邊  
境無賊卽率爾帶領大兵前赴德州今賊見北面  
空虛由輝縣遶過衛輝北趨林縣已在太行山麓  
賊匪竄至其地不西奔潞安卽北竄磁州擾及廣



平順德一帶其情形甚爲可慮且本日據同興奏  
訊明賊供此股竄匪卽係李文成與劉峒明在內  
尤不可不迅速殲除著傳諭托津接奉此旨不許  
片刻遲延卽帶兵向磁州一帶進發探明賊蹤  
督率馬瑜富蘭閆俊烈等由北向南截殺昨由六  
百里諭知高杞帶領吉林黑龍江官兵緊追此股  
賊匪恐高杞在賊之後托津等務速出賊前兩面

夾攻將竄匪就地殲除淨盡能將李文成劉愾明  
俱就擒獲必將托津等優加甄敘若縱令竄入林  
縣山中再北擾至磁州廣平一帶完善地方則必  
重治托津等之罪不稍寬貸此時北面並無重兵  
他處調發亦緩不濟急惟恃托津一路之兵作北  
面屏障務卽星馳赴剿相機堵截毋稍游移延玩  
上又命軍機大臣傳諭那彥成高杞楊遇春日朕聞

滑城屯聚之賊經那彥成等設立長圍挑浚深濠  
防守嚴密想乘勢進攻旦晚即可克復惟日來所  
最屢念者係由封邱西竄一股賊匪節據托津同  
興奏訊取賊供係賊目劉幗明於十一月初一日  
將李文成由滑城北門接出坐車逃走先至南湖  
次日帶領夥賊西竄劉幗明沿途護送並有呂均  
台王學義羅幗旺王金斗宋克俊等同行本日又

據章煦奏接據磁州稟報該逆等在封邱搶掠後竄出輝縣林縣交界之十八盤賊衆萬數直趨林縣等語李文成係爲首賊目前從滑城逃出尙在大兵未經合圍之先朕亦不以此咎責那彥成等惟該逆夥同劉輞明等狼奔西竄已至林縣林縣在太行山麓賊夥竄至其地不西奔潞安卽北竄磁州武安該一帶路徑紛歧賊匪一入其中驀林

越澗追剿又費時日那彥成前派去之富僧德特  
依順保等打仗雖屬勇往不能相機攔截昨特降  
諭旨派高杞帶領吉林黑龍江官兵前往查辦此  
旨到時如高杞業已分兵前往那彥成即將此次  
飭催諭旨飛寄閱看若高杞尙未起程著立即兼  
程馳往不得片刻遲延違誤朕旨決不輕恕此時  
賊衆已至林縣人山甚易高杞能設法繞在賊前

過其去路方稱得手否則追及賊蹤併力剿殺李文成腿受刑傷現坐四套大車不能騎馬步行諒不能十分迅速吉林黑龍江馬隊馳逐猛迅斷無不能追及之理此事專責成高杞辦理伊若能將此股賊匪剿淨並將賊首李文成賊目劉幗明等按數擒獲則高杞之功甚大朕必渥施厚恩若行走遲緩在後尾追縱賊入山亦惟高杞是問至林

縣迤北卽係直隸磁州廣平順德地界本日已由  
六百里加緊降旨諭令托津帶兵由北堵剿高杞  
探知賊匪向何路奔逸並就近飛速知會托津迎  
頭攔截以收兩面夾擊之效又昨據章煦奏磁州  
賊目趙得一現在拏獲伊子趙全供稱伊父現在  
滑城從逆並著於克城之日查拏務獲勿任漏網  
上又頒寄托津

硃諭曰首逆李文成劉綯明已至林縣欲趨磁州汝  
速領馬瑜富蘭等官兵星夜馳回自北而南奮力  
截剿若生擒一二逆立受隆恩若再遲疑觀望退縮  
不前朕必按

皇考慮治訥親之例辦理禍福任汝自取慎之凜之又  
諭汝逕往德州之舉糊塗之極不治汝罪已屬格外  
施恩此次再不奮勉不能輕恕矣



金瓶梅詞話卷二十一  
上又頒寄章煦

殊諭曰頃接卿奏實切焦思已由六百里加緊嚴催  
高杞托津分帶將弁兵丁兜剿但恐緩不濟急爲  
今之計先嚴諭廣平府屬州縣速練團勇保守城  
垣自北而南以堵爲剿候大兵齊集併力殲除此  
股賊內有首逆李文成劉幗明二賊李文成眼目  
受傷兩腿不能行動身坐四套大車此二賊窮凶

極惡必須生擒若有擒獲者官則超陞兵則超用  
民卽授職仍施厚恩布告官兵兆庶毋負朕意日  
內一得信息卽行馳奏斷勿遲延

上又命軍機大臣傳諭衡齡曰衡齡奏豫省輝縣之  
十八盤一帶有竄匪數千勢往西竄距晉省之壺  
關陵川兩縣地方約百數十里本日又據章煦奏  
接據磁州探報本月十二日賊匪已竄過輝縣直

趨林縣等語現在晉省山外既有賊匪竄至該撫  
自應前往督率堵禦該撫前此諸事頗預曾降旨  
嚴行申飭此時惟勉力自贖親督官兵相機防堵  
此股竄匪逆首李文成及賊目劉綯明均在其內  
該撫若能鼓勵將弁將此股賊衆剿捕淨盡並將  
逆首李文成等擒獲鎖押解京不特宥其從前諸  
務遲延之咎仍加以恩賞卽不能將竄來之賊悉

數剿盡亦應迎頭截擊使賊匪不敢入山退出平地以待大兵誅戮功過尙足相抵倘堵禦不力致令賊匪竄入晉省完善之區則惟該撫是問恐不能當此重咎該撫馳抵該處如豫省已將竄匪剿淨該撫卽在被暫駐並著就近督查厯次飭拏各犯毋令委員等飾詞疎懈

臣等謹按滑城賊匪雖有負隅之勢而金魚

陝西通志卷之二十一  
三

阱獸遲速皆無所逃命惟李文成竄軼之賊  
乘間鋌走則有不可料者衛郡地當四達之  
衝無山川之阻狼奔豕突惟其所之故其始  
欲竄曹縣既而竄封邱踰陽武延津獲嘉新  
鄉以至輝縣林縣數日之間蹂躪多處倘再  
西竄澤潞則晉省完善之區固不可問設竟  
折而北竄則磁州武安近在咫尺京南尤爲

可慮斯時圍城未下警報日聞遠近驚疑詎  
言未息

皇上璇樞握要密布機宜旣

勅催吉林黑龍江馬隊跟追而又預屯截剿之兵先  
授防禦之畧誠以賊蹤無定防其萬有一然

睿慮之周算無遺策故不待司寨之捷有以決逆賊  
之無不就殲者

詔書稠疊羽檄星馳日昃

籌幾

丹毫屢降可以徵

宵旰之焦勞矣

上又命軍機大臣傳諭同興日同興奏查訊賊首李  
文成並未回至扈家集發掘各逆匪祖墳並犯屬  
擬請改發各摺覽奏俱悉現在滑城將次克復李

文成一股又結隊狂奔該撫一切邊防宜十分加  
意毋稍疎懈其所奏朱成貴等緣坐家屬無庸解  
京所見甚是著卽發給額魯特爲奴徑由東省分  
起發遣

上諭內閣曰林清倡首謀逆其姓名住址經濟南府  
知府疑圖督率候補知縣趙毓駒潘尙楫陳文漢  
等訊由獲犯張建木供出同與據稟速奏飭交拏



獲立正刑誅該撫前已加恩議敘疑圖著加恩賞  
換花翎仍交部議敘候補知縣潘尙楫陳文漢昨  
已恩准補授實缺趙毓駒著加恩照該撫所請准  
其補授陵縣知縣以示獎勵

上又諭內閣曰本年曹州濟寧兩屬各州縣本係被  
旱之區又遭賊匪蹂躪小民流離轉徙口食維艱  
朕心時深憫惻著加恩查明戶口照賑濟米數自

十二月初一日爲始至明年二月底止分別大小口本折兼放其被焚房屋照例給與修資續歸難民隨時查明補給路過難民照例資送回籍此次查開戶口卽用編查保甲冊籍以別良莠而歸核實該撫務督率地方官實心經理該良民均霑闡惠用副朕惠愛黎元至意

是日緒莊貴慶奏在奉天地方拏獲邪教王士

青高祥曹綱華三犯究出有潛在京師居住之  
高張氏及女李高氏傳教滋事等情奏入

上命步軍統領英和立派番弁將高張氏及伊女李  
高氏伊子高德明等拏獲交刑部審辦

同日刑部奏言臣等遵

旨提出董綱太訊以林清祖父墳墓所在據供林清  
祖父係南邊人不知其墳墓所在其父母合葬

在宋家莊北邊西大岡頂上其前妻常氏亦埋  
葬岡上現有宋家莊董自亮魯進才俱能指認  
奏入

上命左翼總兵英綬前赴宋家莊督率地方官役確  
查林清父母等墳墓眼同掘燬